

中電電費資助 本月開始接受申請 紓緩基層家庭壓力

中電一直致力推動節能減碳，今年將透過社區節能基金撥款2.4億元，推出一系列社區支援計劃，包括電費資助、更換變頻冷氣機等，推動低碳城市生活之餘，亦扶助弱勢社群。

社區支援計劃幫到唔同嘅弱勢社群，視障婆婆吳女士就係其中一位受助人，吳女士左眼已完全睇唔到嘢，舊年成功申電費補助，有咗資助，佢多咗飲茶同朋友見面嘅機會，為生活增添一份額外嘅光芒；受惠嘅仲有住劏房嘅李先生，佢舊年收到電費補助，特登留起用嚟支付小朋友課外活動嘅費用。

中電社區節能基金今年再次推出「基層家庭電費補助計劃」（計劃申請日期：3月18日至7月31日），將分別為 5 萬個基層家庭每戶提供 \$600 嘅電費資助，以及2 萬個劏房住戶每戶提供\$1000嘅電費資助，以減輕佢哋嘅生活壓力。基金亦首次推出「變頻冷氣機更換資助計劃」資助有需要嘅家庭更換窗口式變頻冷氣機，預計大約有1,200個家庭受惠。

抽濕機慳電大法

洗隔塵網 原來咁有用

香港天氣咁潮濕，抽濕機係好多屋企嘅防潮救星。但長開抽濕機耗電量大，點先可以慳電？

定期清潔隔塵網

保持抽濕機高效運作，慳電嘅秘技之一原來係部機夠乾淨！只要定期清潔抽濕機，特別是隔塵網，灰塵就唔會阻礙空氣流動，抽濕機就可用較短嘅時間達到理想嘅除濕效果，幫大家慳電啦！

門好門窗就係咁簡單

使用抽濕機時如果無門好門窗，室外嘅濕氣好容易進入室內，影響抽濕嘅速度及效果，所以記得門好門窗，呢個動作雖然簡單，但減少耗電量嘅效果好顯著嘍。

抽濕機配合風扇使用

如果喺大客廳或大房抽濕，想提升抽濕機嘅效率，可以考慮配合埋風扇或循環扇使用，因為風扇可以促進室內空氣流動，加快抽走濕氣，達到慳電效果。

ENERGY LABEL 能源標籤	
more efficient 效益較高	1
2	
3	
4	
less efficient 效益較低	5
Annual Energy Consumption (kWh) 每年耗電量 (kWh)	86
Dehumidifying Capacity (litres/day) 除濕量 (公升/天)	12.1
Energy Factor (litres/kWh) 能源效率 (公升/度)	2.57
Dehumidifier 品牌	AGC
Model 型號	PHK304
Reference Number/Year 參考編號/年份	U2-0200723/2020
Information Provider 資料提供者	XYZ 某某某

教你睇能源標籤

- 1 1級能源標籤抽濕機比5級慳超過4成電力
- 2 同級能源標籤，可比較每年耗電量
- 3 抽濕量愈高代表抽得愈快
- 4 能源效益值 (EF值) 愈高，代表愈慳電

密密用App 密密賺分

去度度賞80分專區換獎賞

想做個慳錢達人，嗰平日生活慳到最盡，有咩辦法？中電「全心傳電」嘅賺積分秘技賺取度度分，唔止幫大家賺積分當錢使，大家仲可以睇我哋度度賞最新推出嘅「80分專區」內，換購心水獎賞嘍！

最新推出嘅「80分專區」，精心搜羅多達45個衣食住行嘅獎賞，每款都只需80積分。獎賞由KFC優惠券、可樂網店特價券到自助洗衣特價券、油站充電優惠等，均一應俱全！

點先可以賺取最多積分？方法好簡單：首次啟動及綁定中電One賬戶，成功綁定可獲得500度度分；之後再參加「綠加Fun」小遊戲，完成簡單任務與節能測驗，每日最多可獲取11度度分。嗰度教大家一個小小嘅賺分攻略啦，如果累積參加小遊戲18日，就可升級，獲取額外積分，賺取高達250度度分嘍。

大家亦可以申請並持續使用電子賬單提示，首次申請電子賬單唔止可獲500積分，其後每次接收電子賬單提示可獲100積分，總之賺積分嘅機會一定唔會少咗大家個份啦！

電動車電力「充足」 中電驅動低碳旅程

近年，越來越多車主選擇電動車，全港已有超過1萬個充電器供公眾使用，而且提供多種充電規格供車主選擇，包括標準充電、中速充電及快速充電站，切合唔同需要。大家亦可以選擇在家充電。

過去數年，中電配合政府推出嘅「EV屋苑充電易資助計劃」，為申請計劃嘅私人住宅樓宇提供一站式專業電動車充電技術支援及客戶服務，包括供電容量評估、提升大廈供電設備技術諮詢、電錶安裝建議，為工程顧問及承辦商舉辦技術講座，及為屋苑車主舉辦電錶申請簡介會，以加快推動充電設施嘅完成。

截至2025年2月底，已有70個私人住宅大廈及屋苑完成安裝電動車充電基礎設施，能支援約14,000個停車位。位於九龍站嘅君臨天下，係目前最大型完成電動車充電基礎設施嘅中電客戶，涵蓋超過860個車位。

又唔記得密碼同登入名？ 簡單4步 重啟中電網上賬戶

我之前有開過中電嘅網上賬戶，使唔使再另外申請中電One賬戶呢？

如果你本身已經有中電網上賬戶，係唔需要再另外申請中電One賬戶嘍。你只須用返你之前嘅方法登入中電One，就可以自動完成啟動程序。

如果你之前係用密碼登入，但唔記得咗登入密碼或登入名稱，可以跟返以下步驟重設密碼：

1. 於登入頁面按「使用登入身份及密碼」。
2. 按「忘記密碼」或「忘記登入名稱」。
3. 輸入電費單上11個數字嘅中電編賬號碼，按「提交」。
4. 系統會發放相關訊息去你之前登記咗嘅電郵地址。記得喺1小時內啟動電郵內嘅重設密碼連結呀。如果你想取回登入ID，系統會將你嘅登入名稱以電郵發送俾你。

如果想方便啲，你可以喺中電App設定埋生物認證登入功能，用智能電話面容識別 (Face ID) 或者指紋識別 (Touch ID) 功能進行快速認證登入，咁就唔駛再記咁多密碼嘍。